

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 454804 23 St  
Tuzla, 29.07.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „GENIO“ d.o.o. za export-import, proizvodnju i prodaju Gradačac, Ledenice Donje bb, nakon provedenog stečajnog postupka, donio je dana 29.07.2024. godine sljedeće:

#### RJEŠENJE

OTVARA SE stečajni postupak nad imovinom dužnika „GENIO“ d.o.o. za export-import, proizvodnju i prodaju Gradačac, Ledenice Donje bb, matični broj subjekta 32-01-0561-22, JIB; 4210517480001, račun broj; 3386002262367535 Unicredit bank d.d. Mostar.

Za stečajnog upravnika imenuje se Kenan Ibrahimović iz Brčko distrikt BiH.

ZAKLJUČUJE SE stečajni postupak nad imovinom dužnika „GENIO“ d.o.o. za export-import, proizvodnju i prodaju Gradačac, Ledenice Donje bb, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

#### Obrazloženje

Rješenjem Općinskog suda u Tuzli broj: 32 0 St 454804 23 St od 18.12.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „GENIO“ d.o.o. za export-import, proizvodnju i prodaju Gradačac, Ledenice Donje bb, a za privremenog stečajnog upravnika imenovana je Kenan Ibrahimović iz Brčko distrikta, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 01.02.2024. godine. Iz izvještaja privremenog stečajnog upravnika i navoda datih na ročištu proizilazi da društvo nakon osnivanja dana 19.09.2022. godine nije ni započelo sa obavljanjem poslovne djelatnosti; da ukupne obaveze prema bilansu stanja na dan 31.12.2023. godine iznose 53.531,40 KM, a iste se odnose na obaveze prema dobavljačima u iznosu od 51.143,47 KM, te 2.387,93KM po osnovu plata zaposlenih, poreza i doprinosa na plate, s tim da bi se stvarno stanje obaveza moglo utvrditi tek nakon otvaranje stečajnog postupka; da su računi društva blokirani od dana 03.01.2024. godine; da društvo u svom vlasništvu nema nepokretnosti, nema pokretnih stvari osim fiskalne kase, niti novčanih sredstava na računu; da nema podataka da se pred sudovima vode postupci u kojima je društvo stranka; da je društvo dana 11.12.2023. godine prodalo preduzeću „TAREVCI KOMERC“ doo Gradačac zalihe, materijal i opremu čija je knjigovodstvena vrijednost iznosila 24.731,99 KM, koje je ujedno bilo i povjerilac društva kao dobavljač i zakupodavac, s tim da nije izvršena kompenzacija međusobnih potraživanja. Zbog svega navedenog u izvještaju je iskazano mišljenje da reorganizacija društva niti nastavak poslovanja nije moguć, da nema nepokretne niti pokretne imovine iz koje bi se mogli namiriti troškovi stečajnog postupka niti povjerioci, s tim da bi se u slučaju otvaranja stečajnog postupka mogao eventualno pokrenuti postupak pobijanja pravnih radnji prodaje preduzeću „TAREVCI KOMERC“ doo Gradačac koja je izvršena nakon podnošenja prijedloga

za otvaranje stečaja, te da bi za otvaranje stečajnog postupka bilo potrebno predumjeti sredstva u iznosu od 4.500,00 KM, pri čemu je priložena specifikacija tih troškova među kojima su i sudski i advokatski troškovi za pobijanje pravnih radnji.

Privremeni stečajni upravnik je iskazao mišljenje da prijedlog za otvaranje stečaja podnesen dana 31.10.2023. godine nije podnesen u roku od 60 dana od nastupanja platežne nesposobnosti, čemu je punomoćnik predlagača prigovorio na ročištu.

Shodno odredbama člana 6 stav 3 i 5 Zakona o stečaju, stečajni dužnik je platežno nesposoban ukoliko nije u stanju da izvršava svoje dospjele i potraživane obaveze plaćanja 60 dana neprekidno ili ako je račun blokiran 60 dana neprekidno.

S obzirom da iz stanja spisa proizilazi da je stečajni dužnik u septembru i oktobru 2023. godine plaćao knjigovodstvene usluge sa svog bankovnog računa, da iz naloga za plaćanje poreznih obaveza PU, KPU Tuzla, PI Gradačac od 11.10.2023. godine proizilazi da je navedenim rješenjem dužniku naloženo plaćanje poreznih obaveza u iznosu od 1.313,35 KM, dakle da su danom donošenja rješenja navedene obaveze potraživane, da je račun društva blokiran tek 03.01.2024. godine i da na računu nema sredstava od 27.10.2023. godine, te kako sud nije mogao utvrditi postojanje drugih dospjelih i potraživanih obaveza uz nemogućnost izmirenja istih u periodu više od 120 dana prije podnošenja prijedloga (60 dana neprekidno da bi nastupila platežna nesposobnost i 60 dana zakonskog roka za podnošenje prijedloga od nastupanja platežne nesposobnosti), po ocjeni suda stanje u spisu ne pruža dovoljan osnov za zaključak da je prijedlog za otvaranje stečaja podnesen nakon proteka roka od 60 dana od nastupanja platežne nesposobnosti, te se ima smatrati da je isti podnesen u navedenom roku.

Dakle, sud nalazi da je podneseni prijedlog dopušten i da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 04.03.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.500,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 20/24 dana 15.03.2024. godine, oglasnoj tabli suda dana 05.03.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu preduma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija  
Vedran Milašinović

**POUKA O PRAVU NA IZJAVLJIVANJE PRAVNOG LIJEKA:**

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.